

皇清文頌續編卷三十一

頌

聖駕六巡江浙頌 謹序

阿桂

乾隆四十九年孟春月丁未

皇帝啟蹕巡方道九河故境南歷濟兗渡淮江觀海

於鹽官之塘次武林回莅昇州自揚潁楫自德

水道

癸亥夏四月丁未旋

駕西苑典度闡繹福量裕備越展采率職之屬下迨  
耆穉曠隸含生生之性者咸蠢躍鰲抃以謂歲

辛未至今海陬江介

巡禮次六茂美茂加冀發揮揚詡於萬一也臣竊考

造化斡運元萌黃芽二氣流衍播爲四序而相  
生之數則紀以五五數周則復始於一貞後起  
元循環轉轂莫知所究極故六與五爲中合之  
數而實再肇厥端生生未艾之數其在詩曰維

天之命於穆不已言天道也其在易曰天行健  
君子以自強不息言聖人法天之道也體元建  
極斯之謂矣

皇上敦臨天下惟

天惟

祖昭事迹事作所無逸勤恁我民族惟禹揚州之域  
都會財賦民物昌博曷者度方順時

蒼輅五駕舉柴望祭告之典敘官常采民風禮高年

簡卒徒原頌繫補助給足熙熙慕思視書詩所  
載朝獄之文敷天哀時之詠其廣陜深淺誠不  
可同日語矣今

巡禮至六猶五行之復始於天一粵觀民設教行慶  
施惠之政日宏一日粵水土穀三者之績防河  
塘海和敘永賴

皇帝祇祇疊疊審之又審之至再至三立高堰水誌  
凡三堡六堡磚隄改以石甃疏陶莊引河增徐

州並山之隄累石以層計者一十七海寧州並  
海之柴塘土塘先後易石費帑無算爾田爾宅  
利用保障蛙龜之勢衽席奠之夫憂勤在

宵旰而相度在

豫遊曩使法官高拱與民瘼不相見又或速成不達  
先勞而不必無倦將大利害之興革堯舜猶有  
所不知不能焉

皇上乾以統之離以照之恒以固之需以孚之自度

地緩急致力先後一邀

履視若數計響應燎如崩如柴塘之不可棄石塘之  
根之不可刷坦水之壩之不可不築司其役者  
目不見睫

謨訓定保極千百世以爲量毋託樽節毋憚繁重魏  
巍成功海隅蒼生暨萬邦黎獻述誦

玉條謂禹智行水

聖揆一也臣領職

國史伏見

聖祖巡河俾疏自陶莊北行以灑倒漾之蓄率由未

善底績待今頃歲庚壬臣歲役儀封考城聞決

河鄴席飛章忝稟

睿畧告清告寧雲梯關海口暨海寧塘工雖嘗銜使

馳視屬在涓塵罔裨

崇廣幸遭逢甚盛倬直書思獲闕

聖天子聰明睿知之德一敬

天一法

祖一勤民民生孔艱厥求寧莫東南澤甸利水患水

前此

巡視時濬深培薄申考規制其難其慎方用釐改越

二紀而底於成臣快冀先睹顧未奉

屬車之列聽采謳誦揚摧

皇風顓昧區區謹拜手稽首作頌獻焉

州域維揚並淮及海河徙於南挾淮流流逞強兼弱

苑爲瘦瘠越有陶莊分疏利乃

皇祖謀貽我

皇主宰在昔

四巡澹沈展案用逮斯今奉

巡樂愷高堰黃樓旣培魁壘

一章

治河有策治海弗聞吞潮納汐南北異壑障之以版  
以蒸以薪斛錢斛土所恐就淪累石置杙提如鐵斯  
斯溝斯柳交枝芘根

帝庸頓置自安瀾園昔釜而覆今田而昀

二章

田下賦上蘇杭壤錯

御宿有輝曰維附郭

賜租調庸滂洋沃若維

輦所由正供減却越在盆牢府海徵權貸免厥逋署

緝跨鶴烝徒理權卒旅張幕加算以差飽滿斟酌

三章

斟今酌古冊府道隆建閣敬藏如山三峯曰時文滙

文瀾文宗就鈔就讀牴沫必恭俾吳越俊發耳目蒙  
稽古致用惟儒式崇克彰教本二氏弗容上丁釋奠  
實

臨音東 四章

東南有材鬱哉竹箭襮衫于于

奏賦行殿

詔選其尤囊處穎見一十九人直五花判而校而序  
增額斯徧有孝廉科自閩自獻百有四齡爲耆壽

寵秩可成俟千叟宴

五章

宴樂占象如尊置衢以晉階級彼供汜除以資金幣  
彼簡鼓枹酌彼祠墓弛彼黠徒靡患不齒靡澤不敷  
式歌且舞煦沫載濡既浹

仁壽山水清都奚取華綈慎儉永圖

六章

圖寧省方五載一狩歲辛加未南民籲奏施發維新  
供頓由舊

御龍六之律中太簇序閏花穠晷永麥秀茂對

聖懷春藻日富鄰里是釐濟源是究明理體物迪光

宇宙

七章

宙合無外

記巡自南匪亟而將庶引養恬致敬

蒼緯府事孔誠施於孫子有穀載載融融

五世邁周百男展

鑾央央施

蹕驪驪屆禮

泰元陰陽和甘臣述

德盛媿麻黃炎八章

聖駕六巡江浙頌

謹序

彭元瑞

皇帝六巡於南時維闕逢執徐之歲春正月丁未

啟鑾越夏四月丁未

迴蹕凡百有二十日禮成羣臣咸拜手稽首賡歌第

頌以揚詡

盛烈發皇

至德是舉也

發軔畿甸循濟死厠吳越

屬車所經皆

五巡舊臨之區蠲田租有差弛逋賦勿征廣博士弟

子

賜爵宥過減臯惠商恤兵軍民耆老

麥粟帛

召試諸生引對羣吏

大惠所暨皆

五巡舊舉之政若夫察吏安民型方善俗

訓諭之因時制宜者

五巡各有之天淵所以時出也

撫辰育物體道敷言

詩章之舊廢新製者

五巡分載之日月所以長新也懿乎盛哉我

皇上曼壽彌高

純嘏彌劭

健行誠久逢吉康彊非常之慶未有之事訢合大來

協昌辰而

備殊福者視昔

五巡有加矣然欲頌

南巡之盛而不明所以致盛之由欲明致盛之由而非出於

聖人基爲宥密發爲訏謨之大皆不足以頌

南巡臣近伏讀

御製南巡記推闡天人感應之捷貫通君民孚戴之

親洞指事機遲速之會

因心作則

本身徵民道極於蟠際功密於幾微而隲要賅旨以

四言

曰敬

天

曰明理之四言者我

皇上御極四十有九年何日不以爲

敷政之基出治之本今乃於

南巡記一發之且自乾隆辛未至於今甲辰三十有

四年或十數年一舉或數年一舉

六巡之盛典方成四字之

心傳始揭欲頌

南巡之禮則禮之精意欲頌

南巡之事則事之大原卽繼自今

皇上億兆京垓不可紀極之歲數歲一舉不可紀極

之典胥此四言推之而盡利放之而皆準其理  
不易其言亦不易也臣謹紬繹萬徧尋測  
至言徵衍事實作爲

敬

天頌

明理頌二篇第臣識庠詞燕譬諸筦闕錐指莫究高  
厚且怵且悚罔知攸措臣謹序

敬

天頌第一

伊古言巡狩昉自虞書柴而祀天與祭法不殊戴記  
後出諸儒雜傳因名山升中以報於天秦漢而下始  
有封禪鄙黍淮茅金泥玉礮子於父母不言所報天  
子天其子敢以功告帝王之治與天無窮夫豈有日  
可告成功厥有侈心是謂褻天懿哉我  
皇翼翼乾乾自初

御宇今四十九年小心昭事弗懈益虔禮之大者歲

三

大祀肅志篤誠罔弗

親珥幣蒼璧陶匏監於古制典範三禮

精通一氣雪瑞膏甘雲生虹霽方春已殷未冬先鼓  
禱以

躬臨祝惟

親製夙夜宥密

言必稱

天作爲

謨誥出爲

絲綸西師之役

神謨獨運投機立斷者旨定功建讀

開惑論

天乃益信

七旬之慶保定升恒猶曰孜孜其敢不慶讀

古稀說

天乃敬承禋集祥駢大備諸福幽厖非蕃堯華未祝  
邇者

元孫生本支百世馳

聞江上如川之方至

葦草生春閏桐增葉海南陪隸江介耄耄交作歡聲

稀聞往牒

帝庸作歌受福有原一曰

景貺再曰

天恩洪惟

聖人與

天合德敬斯愛民惟大惟則

法

天仁育施以雨露饑食寒衣蠲漕免賦

法

天義正鼓以風雷協中弼教傾覆栽培維

天之行日彊不息日慎一日

宵衣旰食維

天之追恒久不已

久道化成聿轉上理民視民聽其體其性聰明者

天時憲者

聖敬愛旣至乃可

南巡車爲牙運

蹕爲璣旋宜遲而遲如星躔之移宜速而速如輿轉

轂大哉

聖言敬者敬

天奚必禪亭亭奚必對云云

登三咸五何覺言乎七十二君

明理頌第二

一事一理萬事一理合一散殊貫徹終始差之毫釐  
謬以千里其惟

聖人自誠而明參贊化育與兩大同能事幾未來造  
化無心更無微雲湛然大清及其既至神應故妙日

月所歸容光必照物無遁形情無匿獻百度惟貞  
萬幾行健莫罄形容矧窮

薰獲請言河海逮於

巡狩水在天地如人有血脈此壅彼瀆呼吸不隔理  
在節宣防淫導滯壬午

三巡始定水誌寸度丈引消閉長開從茲下河鮮灑  
澆災清黃所滙勢恒不敵漲或倒灌過輒淤積理在  
疏剔進弱退強丙申

曆算始開陶莊河北淮東循軌除逼事成有時乃竟  
前績海於物最鉅潮汐往來近由北大壘戴橋以西  
有塘皆柴理在鞏護堅脆禦攻庚子

五巡始改石工犀弩帖帖鮫岸巖巖保障重門魚鱗  
相摩草菴迤西所恃范隄餘杭郡會萬口丸泥理在  
恢擴全勢乃足今茲

六巡始

命接築存舊塘爲坦水填中溝爲漲沙永固我東南

廬舍桑麻三堡四堡韓山奎山橫截洪澤迴繚彭門  
增庠甃石並山接隄清淮暎月黃樓連寬理各攸宜  
豎窮橫際

聖人明之利賴萬世道舍逝川智利行水遲之遲而  
又久清晏順軌匪視掌上螺毋輕議河匪得心中宰  
毋輕營海發帑弗靳牟利毋縱繫民命所繫胥歸實  
用夫唯

明理平地成天暨海

禹載翁河

周巡王通有言舜五載一巡狩國不費而民不勞其  
理可究維我

皇六巡

前修是循上自

聖躬下迄庶民池館勿飾鐙綵勿侈

訓于先事理在

克已供備勿索禾稼勿踏

訓于從官理在守法

巡所守在勤述所職在恭理在

慶讓展義觀風大小羣吏乃勵奉公我民黃虞我  
君堯舜理在

養恬

惠心勿問億兆黔黎乃切瞻近古人有言如水載舟  
如土置臬如金在鎔如泥在埴匪繫

巡狩一日二日持之以久理在

皇極

皇極之敷

作記以宣內聖外王

立德

立言克敬克明卽

天卽理小臣聽頌冀罔

淳旨

五世一堂頌

周厚轅

維

皇錫厥福於庶民爲

六巡是舉維

上帝降康爲

聖人篤祐

聖之受祐與

天齊壽

叶

護民之勞煦之若子叶於今四十有九年民莫不生

焉以蕃其口叶

聖人視之若孫若曾元孫民之戴

聖人謂祖謂高曾祖

為萬物祖無一物不得其所盥上答庶徵時序以

平水土以介我稷黍更蠲賑頌

詔穀我士女菽粟布帛頌諸父老叶至於茲

六巡行慶施惠未能觀縷民之安慮盈門告語願

天眷我

聖躬俾緝熙於純嘏

叶

天錫純嘏示萬物覩於甲辰閏月三辰旣聚  
皇帝駐罕於江南而驛章飛

奏

叶

曰

元孫誕生慶聞

當宁時維扈從鷓班虎旅爰及衆庶及其黃耆

叶

奔

走鞠臚饗鼓軒舞以申斯揚詡

皇帝曰都哉蓋其稽諸往古自古義軒越周文武歷  
年雖多孰閱世維五繇漢及明六帝先後叶歲亦云  
臻未曾元是撫其有五世見於堂廡則在臣庶僅六  
人可數維帝其難之創於經史叶我  
皇受祉道更絜矩維

燕翼之謀爲

龍光之溥

曰

天寶貺

余余惟民是怙方春省耕不足者補一二臣同其往  
問民疾苦于于丞民纍纍編戶有見及元孫者告

余汝予

叶

詔謂彼督撫

曰咨汝予輔汝其禮高年獎蕃息以喻於汝部煌煌

聖訓德音是茂

叶

更明年春正宴及于叟

叶

一人有慶賴者寰宇自子孫臣庶億兆京垓惟

天子使叶其惟曰

膝上之珍詵詵振振時萬時億稱觥上

壽壽

萬年之主

聖駕六巡江浙頌

謹序

初彭齡

臣聞壽邱錫祚探金谷而受經安邑修壇陳璧  
書而臨渚眠幾衡以輯瑞謨肇濬封懷鈴斗以  
奠川諺徵休助禱而翠牒邈矣丹騰振古以來  
於茲爲盛洪惟我

皇上運隆荃宰光闡蘿圖胥則大以斟元洵登三而  
咸五念吳根越角斗牛聯珠緯之躔矧海瀝河  
防疆毗宅金維之隩滌星回於卅載

久道攸成勤

日馭於五巡健行不息茅欄蒨宇

醲恩遍耀瞻黃黎叟篠童翹望彌殷輸赤籲葵忱於

量吏黃帕呈封賁

楛陞之

綸音丹毫報諾月符出丙歲屆逢辰爲餘九九之微

寒特

駢雙雙之

仙仗星橋火樹鰲山懸不夜之城丹竈白雲鶴觀注  
長春之籍緩浹旬而

啟蹕翠罕凝暉循左輔而鳴鸞紫泉解凍數二十四  
番之風信芳達遍賞鶯花澄三十六淀之煙光  
雅什頻賡魚藻途經德水珠宮開祝

嘏之林雲護岱宗璆檢秩升中之典訪平鄉之車服  
山景高尼聆闕里之絃歌源探曲泗筵陳玉幣

特崇

幸魯之儀范拭銅斑用慰從周之志展金絲之秘簡

詩禮徵文疏壁沼於

畿封膠庠育俊壤開青甸迓

寶軌於雲間埠近紅花御

福艦兮天上靖狂瀾於桃汛績邁宣房仍故道於楊

莊謀停築室鞏高高之石堰版幹勿計多貫濬

浩浩之雲梯鬢剔必規上策堂誌歐蘇之跡山

翠平分地臨吳楚之交江流曲瀉牙樯高矗魚

龍齊護虹梁錦纜徐牽鷗鷺欣覩

鳳艣帆開瓜步驛指蘭陵烹茗椀之新泉補竹爐之  
舊燈獅林虎阜陟縹緲之雲巒玉柱金庭汎蒼  
蓋之香海攬錦市燈棚之景俗尙豐亨劭蒿官  
枯柱之規

訓垂儉素樓開烟雨將臨浙水之區地美湖山先覩  
鹽官之士邏迤坦水級簇魚鱗合沓重塘椿排  
貝齒久建徙薪之計遍疊雲根旋增植柳之工

用堅烏壤永消鯨浪駕犀弩之三千載議鳩材  
給金錢之百萬障朝潮而恬夕汐灑澹滋殷始  
鹽倉以訖范塘表延畢準形標鎮海卓紺塔於  
高穹名紀安瀾憩芳園之

清蹕迺尋福地言訪聖湖六橋則波影連雲三潭則  
月華鋪練汲龍泓而調馥石鼎霏濤板鷺嶺而  
延

禊松風寫梵神仙界近飛花雨以絲絲圖畫天開抱

香林於面面載遵吳渚爰僚秣陵酌鍾阜之楸  
阡契攝山之雲壑揚舫江滸沿淮浦之明流紆  
轡徐方測呂梁之絕險舍磚用石預籌魚沫蛟  
涎築岸連山永奠龍堂貝闕至若南金東箭屢  
號文邦玉軸牙籤新煥

祿閣地啟

軒宮之勝堂煥大觀帙儲禹簡之珍勢成迤淮詞峯  
宗嶽中流瞻浮玉之尊學海迴瀾雙鏡湛湧金

之彩甲乙丙丁之部別開羣玉者三淵源津朔  
而餘並耀連城之七協

鳳阿之賡唱藻揆九天許螢案以傳抄函漆萬本而  
且普

頌滅澤廣

沛恩綸華紳晉夫星階衮服增夫月精

召馬枚而授簡薇省簪毫媿鄒魯以培英芹鬢加額  
鳩筇隊隊披柘服而曳鏐牌鶴髮皤皤試棘闈

而登槐市覈宿逋與新賦

賜半賜全儲萬庾而千箱餘三餘九紵熬波之正統

慶溢牢盆宵衣赭之前魯躔空貫索由川程而

山驛循趙北與燕南律屆朱明

蹕旋紫輔候西郊之

鸞輅

上苑花濃序

北闕之鵷班中台星拱

膏敷華甸允符

六幸之儀曲譜薰絃彌篤

萬年之祐茂矣美矣唐哉皇哉臣質惡蕪材職叨芸

館勉效軒轅之祝敬揚曲厯之忱謹拜手稽首

而獻頌曰

惟

皇建極惟

聖觀民時周五載典備

六巡迺陳

法駕迺擇元辰屬車九九連連

鳳闈一章

升香

孔林上儀有恪神耆擢莖繁杏駢萼殿展金絲風宣

木鐸

作君作師

道揆借若一章

九曲洪河隄防增繕以石代磚鯨波永奠汛暖桃花  
流恬竹箭飛星告祥式昭清晏 三章

鼎峙三臺驚濤北走壘石填渠徙薪植柳凹凸陂陀  
僦工悠久薄海生生咸歌猷

后 四章

琳瑯天祿制邁三倉湖山增秀奎壁騰光鸞雉巖後

鳳閣含香

作人普化雲漢為章 五章

帝有恩言普汜且繁秩增紳紗縠裕縶韃草瓦園土

筭減牢盆租庸遍豁蕝蕝富黎元

六章

星馳吉語捺鉢宏宣冬蠹斯麟趾葛苾瓜綿歡騰江介

慶溢瀛壖一堂

五世事軼前編

七章

出震揚旗乘離

旋軫鳳蓋終纒達於

郊苑策試賢良職釐卿尹

臣

纂頌言敬敷丹悃

八章

聖駕六巡江浙頌 謹序

周愛蓮

欽惟我

皇上臨御之四十有九年，簫紀執徐，律調太蔭，異羅解凌兌澤，咸齎勤省歲之盛心，赫劭農之成效，魁游阿以緝，馘亶陟巒而哀時。

六狩臚歡，萬齡篤祐，源昔龍圖，衍太丹林，升專教之臺，鱸篆呈文翠水，啟巡方之館，闡珍錫羨，觀風驥下，稷之駉合契，參神問政，憩具茨之駕，翁河

震疊典儆姬模敷土隨栞疇陬雉範胥鐫嶽於  
翠簡亦貽絢於朱滕若夫舍元用九則大函三  
恢顯懿之皇綱肇登閔之帝籙萬幾一日繪屏  
環無逸之箴七起中宵眎燎報未央之問珠囊  
朗邕知庶彙之由庚金鏡高祛見單心之勞午  
吾休吾助頌百度者惟貞已溺已飢塵一夫其  
不獲本乾衷之寅亮溥豐澤之壬林侯其禱而  
皇哉尙已懿吳越之在東南也躔分星紀域正

揚州鎮會計之穹窿數具區之窳突借淮面海  
覘厥土之塗泥展楚襟閱睠是邦之都會玉堂  
石室明璣玼珉之藏露彫烟畦包匭篚筐而西至  
牢盆百戶廉賈五而貪賈三層積家家上食九  
而中食七勝披吉貝邨連千耦之鈕箔遶華蠶  
巷答九機之杼呼華呼嵩之祝壽域基宥擊蠶  
擊壤之謠春臺福善魚羹稻飯閱載閭而鏡湖

瞻

天木盛金穰告屢豐而鳧趨戀

主度陰陽其和會候風雨之均調伏維

皇帝陛下睿臨徧德宸豫流淳眷念寧人繹思述

事奉三播治瑤階陳六泰之符撫五凝禔珠斗運四

和之柄

秩豐亨之大烈服暢蘿圖

纘鼎命於

前光揆同芝壘八埏普壽爰間則沆瀣承流六幕并

包圭旬則柝棧進曝

築仁則義儲必世之祥風

酌範斟謨汁斯年之懌服憶昨歲

珠宮展禮

橋山精僂嶽之禋越上章

玉軌乘春輿趕假醴醲之化詞陳置吏庚郵則黃

帕封章諺采郊昨

乙覽而丹毫報諾青旂轆轉誣首甲以鏘鑿紺宇邊

近練上辛而秉鬯鳴球噤筦

九重指離赤之區望杏瞻蒲次六合坤黃之撰維時  
蒼威倣曙彤旭舒暄震露灑霄霧雲糾昊

金閭詠蕩傳韶且於雞人釵砌傑池肅攢星之

鸞仗鳳苞倍綯陰添覆井之桐龍轡長紆葉驗富堦  
之莢豐隆迓轂襄俞騎之鞞取屏翳司涂導句

陳之鹵簿引恬引養薰來南面之琴時雨時暘  
暖入東皇之瑄滅屬車之絡繹六閑弗躡畜畜

頌

祕帑之便蕃七萃均儲糗精蒿軒桐牖毋多螭陸  
於句臚瑤瓦玫瑰墀用闕鳩工於將作塍鱗藻繪  
黃牟翠麥之場橋竦連蜷茵草絲楊之岸燕南  
趙北行蒐而鵝鶴屯波隰下原高卜歲而鳩鷹

趣墩

雲巢駐輦豁靈景於齊州日觀燔柴鞏祥基於宛  
鎮殷楹釋幣祇循數仞之牆孔壁聞絲徵謁大

昕之鼓由是津亭泝楫水堦登艫撫轡句吳揚  
舠於越蓋吏民相見閭閻覃樂利之床而府事  
交修標橈奏平成之治彼鹽倉之縣絡實渤海  
之委輸地臨七郡之上游勢控三疊之左隘襄  
譙埤坻驚濤騰駿駛之雷宰堵亭童跋浪震鼉  
鼉之窟給衡縉於少府雁齒勻排統磬鼓於長  
隄魚鱗疊次成功不日特增甃石之陌隨丈計  
由旬互備編柴之迢迢碑甬聳屬射已陋夫錢

鈎椿豎嵯峨揭奚煩夫華信

亮天工而秉算紆

法從以省成波真與海百谷歸墟光更榮河三門順  
軌金灣幾曲衙衙竹箭之流沙激千堆森森桃  
花之漲薪抽覆金洩宜弗靳其多貨屋建高甍  
鬢剔必規乎上策爰開五壩洪湖澹鯤壑之蓄  
載掣重渦高堰弭蚓堤之患升香沈壁隴

鴻貺於靈祠擊汰鳴舷挽鷁紋之運船夫固懋無

疆之恤而品物咸亨建非常之原而黎民不思  
已矧夫

堯文鳥奕聲爲律而響放磬諷

羲畫璘斌作有芒而昭回雲漢全書待弄部區甲乙

丙丁祕閣紛羅義踵淵源津湖媿圖書之萬卷

命自重申耀奎壁於九閭光連二酉古香芸送驟福

地於瑯嬛濃采藻披邁衡山於宛委菽林圭臬

籤璫枝於三萬六千冊府瑤琨架金蕊於赤青

元素而且

湛恩諸燮涿澤涵濡擁篲灑塵卹微勞於末吏价藩  
作牧勛蕃錫於康侯優衲服之康精驩騰甲士  
減襪衣之壤賦喜送丁男賚鳩杖以綺金高年  
錫福蠶雞竿於

帳殿園土迴春科貸籽糧戶慶汗邪之滿榷紆繫  
涵場寬禹筴之輸上以徵

誼軌之胥彰下以洽康達之踴踴良以斟元揆極

象圓益之無私用茲介福凝釐統方興而有截  
蠻踪蕃賎徠千八百國之會同石臧銀繩歷七  
十二家之封禪得位得祿得名得壽

天其申命用休曰肅曰乂曰哲曰謀

帝唯從欲以治臣菰蒲質賤葵藿忱傾祇睹

上儀謹參與頌頌曰

於鑠

聖清正位凝命

泰元降康

富媪助順景際中天光承

列聖端樞出震倣駕清寅洽南易衍歌南詩陳醲仁  
斯協大猷是經節儉政昭靡應誼救稼穡知艱河渠  
底績車邏雲梯不層不溢波滸川后庶血瀛斐寘薪  
柱石培髻增庠旣規亦萬噓往納來啟啟轉轉愉愉  
煦煦鰈水鵜山狼歌象舞肖德崆峒勒銘岫屢邇察  
遠屆德布慶行路懸禹鐸堯尊高懋厚載帝夏

皇春告綏有萬綿禩惟億益地拓疆敷天共極蒼緯  
錫珥黃神推筮三元肇復

六御時乘大禮旣洽蕃貺備轅日強莊敬天保升恒  
義準升中典揆益下道以瑞徵理以象著萬邦用貞  
七符祇竚

臨邛雍講學頌 謹序

嵇 璜

臣惟禮經以辟雍爲天子之學而其名肇見於詩於論於樂周制尙已然必推暨於壽考作人之化與夫詒燕子孫之謨以見受命者之德純福備用是行禮樂宣至教顯誼軌焉逮成周以後繞門環沼考跡於漢京大都循名慙實親雅材所美莫不相及矧若珍符茂典駢集並時而制禮從宜遠邁姬室者哉欽惟我

皇上寅迓鴻釐丕承

前烈文治宣而武勛鏖宗河翕而巨澥恬醲化四蒸  
上覽下泝

壽逾古稀而精勤益勵

聖德日盛

聖福日崇

五世一堂雲祚慶衍

景祚之綿蕃禱之溥生民以來信乎未之有也歲乙

己元日

頒詔中外行慶施惠九寰布權於是繩

祖武普眷祺自六十以上至百餘歲黃髮給背之裏  
三千人於初正六日祇赴

闕廷大啟者

恩禮稠渥至矣哉

錫福之上儀也且夫學校之隆必由於沐浴漸摩之  
會在易恒之象曰聖人久於其道而天下化成





老五更於大學本屬漢儒附會其事未可徵信  
且養老之典見於周禮司徒司門羅氏等職初  
無所爲三五之名更不必並舉於臨雍之日  
伏讀

聖製於園水則有落成之

記於更老則有辨謬之

說又以三老之名徵据孟子以見理不可不日窮書  
不可不日讀凡皆循名責實折衷至當

聖訓昭垂加以講經闡道

御論以宣之崇儒重禮

御製詩以示之成均之衆涵濡

教澤延企蹈舞其爲首善之建又孰有大於此者乎

時又值四庫書四部校繕全竣

文閣列儲羣籍光華炳輝冊府

昌期協應不期而會禮成之日瑞雪霏霏奕郊野優渥  
天庥翕召用兆豐徵

皇上巽命重申宣綸播闡溥海內外咸以爲

聖主德之純與福之備曠軼萬古益以慶

聖壽之延洪錫羨於億萬斯年也

臣久沐

洪慈再逢鉅典思欲導揚

盛美以摠下悃竊以周詩靈臺之篇文王有聲之章

推美豐鎬鋪張揄揚流播千載以昔視今其大

小廣狹不可同年語焉不揣謏陋謹拜手稽首

而獻頌曰

建國莅民教學是先於京立監至元書年我

皇御寓炳樞耀璇粵稽辟雍若海迴淵徵名定義璧  
象告圓迺

召司空相彼廟壻度地定制講堂之前

往歲疆圉新茲廟堂辟雍肇建曰維昭陽斟酌古制  
訓言精詳汲泉以綆甃石爲梁旋邱隆棟峙乎中央  
制兼周學規軼虞庠告成不日大衍符慶  
辟雍旣成四方所覩有漪者池有倬者宇

聖澤所涵道德之府觀我

帝光儀文待舉煌煌

御記豐碑式樹復古典隆匪泥於古實主名實爲學  
之務

旃蒙啟運大族司辰軒箎肇歲鳳紀五旬慶綿瓜瓞  
景福駢臻

九天溫詔布自紫宸歡聲喜氣風馳八垠寰瀛普紀  
庶彙皆春游源泳泳覃被化鈞

洪惟

聖祖謙啟者英我

皇繩

武惠茲高齡三千耆老聯步

殿廷授几扶杖共沐

寵榮春觴旣醉歌詠太平引年視學典必分行惟彼  
成均奚取老更

青陽仲月上丁期屆往有恒儀習舞合茶典重

親臨先期敕戒肅肅講僚承風揚對庶尹駁奔雍容  
冠帶上公博士和鸞共會爰及師儒無小無大  
九閭曉開銅龍倣曙華鐘鏗音

翠旌啟路

帝至於雍德車樂御俎豆維虔鏞鼓式具

聖敬聿昭心源以溯惟恭之安惟德之裕普渚馨香  
以迓

洪祚

講席高張

御論用闡維聖緝熙維乾行健五倫斯明一誠是貫

百家箋疏衷於

睿斷覺世牖民

天章魏煥涵泳

聖涯企瞻道岸圓橋蒸蒸式舞而作

珠璣告豐

至誠馨格

玉輅言旋

恩綸疊錫

掄英上庠特廣解額爰自躬桓逮於百職

彤墀頒賚文縑束帛容臺式宴酒醴芬苾霑被

龍光飫茲

闔澤

到治旣登

湛仁旣究湯湯海流官牆美富多士雲蒸匠成翹秀

聖人莅止咸欣瞻就藝鼓軒舞頌聲斯奏

福與日升

德隨時懋觀文化成榮鏡宇宙